

Internet-zerbitzua liburutegian



Interneten sartzeko aukera ematen duten ordenagailuak informazioarekin, ezagutzarekin eta ikaskuntzarekin lotutako gaiak bilatzeko dira.

Ordenagailu horiek erabili ahal izateko, beharrezkoa da liburutegiko txartelaren jabe izatea.

Saioen iraupena arauetan ezarritakoari lotuko zaio. Saioak ordu-orduan bukatuko dira, hurrengo erabiltzaileak erreserbatutako orduan hasi ahal izateko.

Internet-zerbitzuaren erabilera desegokirik bada, liburutegiko langileek saioak eteteko eskubidea izanen dute une oro.

Arauk betetzea denontzat da mesedegarria.



Nafarroako Liburutegi Publikoak

<http://bibliotecas.navarra.es>




**Nafarroako Liburutegi
Publikoak**



**Nafarroako
Gobernua**

Nafarroako Liburutegi Publikoak

Internet-zerbitzua liburutegian erabiltzeko arauak



Internet-zerbitzua liburutegian erabiltzeko arauak

Liburutegi publikoak, erabiltzaileei edozein arlotako datu eta ezagutzak emateko informazio-zentroa den heinean, Internet doan erabiltzeko aukera ematen du. Internetek tokiko, nazioko eta nazioarteko informazio baliotsu anitza eskaintzen du; horri esker, liburutegiko erabiltzaileek beren informazio-, prestakuntza- eta aisia-premiak asetzen ahal dituzte.

Zerbitzuaren baldintzak

- Interneten sartzeko aukera ematen duten ordenagailuak informazioarekin, ezagutzarekin eta ikaskuntzarekin lotutako gaiak bilatzeko dira. Ezin izanen dira erabili jolasteko, txatean jarduteko, etab.
- Ordenagailu horiek erabili ahal izateko, beharrezkoa da liburutegiko txartelaren jabe izatea. Dena dela, kontsulta berezia bada, aski izanen da NANA/AIZ edo pasaporteak aurkeztea.
- Eskaera informazio-mostradorean egin beharko da, eta, Interneten sartzeko ordenagailuak libre egonen direla ziurtatzeko, erabiltzaileek aldeztu aurretik egiten ahalko dute erreserba liburutegian bertan, telefonoz edo on-line. Eskatzailea erreserbatutako ordua hasi eta 10 minuten buruan agertzen ez bada, bere saiorako eskubidea galduko du.
- Liburutegi bakoitzak ezartzen du saioen iraupena, ordenagailu erabilgarrien eta eskaeraren arabera, eguneko gutxienez ere 30 minutuko saio bat bermaturik betiere. **Saioak ordu-orduan bukatuko dira, hurrengo erabiltzaileak erreserbatutako orduan hasi ahal izateko.**

- Internet bidezko kontsultetan, pertsona bat baizik ezin da egon ordenagailu bakoitzean. Liburutegiak erabakiko du bi pertsonak batera erabiltzen ahal duten ordenagailu bera, beharrik izanez gero. Beste erabiltzaileen pribatasuna errespetatuko da une oro. Liburutegiak ez du orri kontsultatuen gaineko informaziorik gordetzen, baina egunero esleutako txanden kontrola eramaten du.

- Erabiltzaileak bere kontsulten emaitza inprimatzen ahalko du. Inprimaketa-kostua indarreko tarifen arabera izanen da.

- Erabiltzaileak hitz eman beharko du Jabetza Intelektuallari buruzko indarreko legeria une oro errespetatuko duela, eta Internet-zerbitzua modu egokian erabiliko, betiere liburutegi publikoaren jarduna arautzen duten oinarriak aintzat hartuta.

- Interneten aurkitutako informazioaren bat desagokia, ez-oso, zaharkitua edo iraingarria izan daiteke norbaitentzat. Liburutegia ez da Interneten aurkitutako informazioaren erantzule, ez eta erabiltzaileek hartaz egiten duten erabilarenaz ere. Liburutegiak iragazketa-programak erabiltzen ahalko ditu, behar bezalako erabilera bermatzeko. Edonola ere, liburutegiak saioak eteteko eskubidea du, baldin eta gizabide- eta duintasun-printzipioak urratzen badituzte, edo indarkeria, arrazakeria edo xenofobia defendatzen.

- Erabiltzaileak ezin izanen du ez programarik instalatu ez konfigurazioa aldatu Interneteko erabilera publikoko tokietan.

- Ez dira ordenagailuak itzali behar eta, funtzionamenduarazorik sortzen bada, erabiltzaileek ez dute ekipamendua berrabiaraziko. Halakoetan, liburutegiko langileei horren berri emanen diete.

- Liburutegiko langileek, Internet-zerbitzuaren erabilera desagokirik bada, saioak edozein unetan eteteko eskubidea izanen dute.

- Ezin izanen dute Internet-zerbitzua erabili dokumentuak epe kanpo mailegatuak dituztenek edo liburutegiko zerbitzuren bat erabiltzetik baztertutakoek.

- Liburutegiak ez du bere gain hartzen sarea erortzearen, deskonexioen, eta abarren ondoriozko datu-kalteen, -galeren edo -hondatzeen gaineko erantzukizunik.

- Ekipamenduak behar bezala erabiliko dira.

- Internet-zerbitzuaren ordutegia liburutegia itxi baino 15 minutu lehenago amaituko da.

- Wi-Fi teknologia duten eremuetan, liburutegiko erabiltzaileak nor bere ordenagailuarekin sartu ahalko dira Interneten. Saioek ez dute denbora mugarik izanen, hasiera batean. Antzematen diren arazo edo premien arabera, liburutegiak iraupena mugatzen ahalko du, ahalik eta herritar gehienek zerbitzua baldintza hobeetan erabil dezaten.

Haurrendako Internet-zerbitzua : liburutegian Interneti konektatutako ordenagailurik bada haurrendako, 14 urtetik beheitikoek baizik ezin izanen dituzte erabili. Interneten ezaugarriak eta haren bidez eskura daitezkeen edukien aniztasuna direla-eta, seme-alabek beren gurasoen baimena beharko dute halako kontsultak egiteko. Liburutegiaren gomendioa da adingabearen ardura duen pertsona helduak haurrari kontsulta egiten laguntzea.